

900 _ السحر والتنجيم و الكهانة_(شرح كتاب أصول الإيمان(-م/

علاء حامد

علاء حامد

الحمد لله و اشهد ان لا الله الا الله وحده لا شريك له و اشهد ان محمد محمدا عبد و رسوله صلى الله عليه وسلم. اما بعد فهذا بفضل الله تعالى الدرس التاسع في مدارسة كتاب - 00:00:00

أصول الایمان كتاب اصول الایمان يتناول شرح عقيدة اهل السنة. والجماعة هو كتاب كما بينا مرارا مبسط. يعني عبارته سهلة آآ تكلمنا في المرة الماضية عن انواع الشرك سواء كان الاصغر او الاكبر. وقلنا ان الشرك الاكبر على اربعة انواع - 00:00:20 المحبة وشرك الدعاء وشرك الطاعة وشرك النية والقصد والارادة وتكلمنا عن الشرك الاصغر وتكلمنا عن انواعه النهاردة بيقول لنا المطلب الثاني هيتكلم عن الكفر. هنتكلم عن الكفر يقول الكفر لغة يطلق على الستر - 00:00:46 والتغطية الستر والتغطية. وشرعا هو ضد الایمان او عدم الایمان بالله ورسوله صلى الله عليه وسلم. سواء كان معه تكذيب او لم يكن معه تكذيب بل عن شك وريب او اعراض عن ذلك حسدا وكبرا او اتباعا لبعض الاهواء الصارفة عن اتباع الرسالة. طيب هو بيقول لنا الكفر - 00:01:10

هو فرق ليه ما بين الشرك والكفر هو عايز يقول ان الشرك له له معنى والكفر له معنى يعني هو كل شرك كفر ولو احنا ركزنا عليها ان كل كفر شرك. لكن هم ممكن نفرق ما بينهم على اعتبار احنا قلنا ان الشرك جاي من الشراكة - 00:01:38 ان تجعل لله ايه؟ ند مساوي مساوي سواء مساوي له في الربوبية في الاسماء والصفات في التدبير في الخلق في الرزق مساوي لي في صرف العبادة مساوي لي يعني آآ في آآ صفة من صفاته كعلم الغيب والضر والنفع. ده انت خليت حد مع ربنا ايه؟ شريك - 00:01:57

عشان كده يتسمى دوت شرك. تمام؟ وخدنا انواعه هو عايز كانه بيقول ان الكفر ممكن يكون له سبب تاني. سببه التكذيب. تكذيب انا ما اشتركتش. بس انا مكذب. مش مصدق خالص. مش باعبد حد تاني - 00:02:21 بس انا مكذب اللي انت بتقوله. او يكون بسبب الایه؟ الاعراض. انا مش عايز اعرف مش عايز اسمع. انا مش عايز اعرف الموضوع ده خالص او بسبب الایه؟ الشك الشك واحد متعدد شوية هم شوية يصدق وشوية يكذب شوية الناس دي تمام شوية الناس مش تمام - 00:02:35

هو فرق ما بين الاثنين على اعتبار ان السبب ده غير سبب دوت. لكن هو في الحقيقة كل شرك هو في النهاية ايه؟ كفر. ما هو الشرك ايه هو كفر؟ لأن الكفر كما قلنا هو التغطية. تغطية الایمان - 00:02:55

تغطية الایمان. فالشرك هو كفر في الحقيقة. والكفر شرك. ليه لأن ما من احد هتقول لي طب ما هو اشتراك في ايه؟ ما هو ما خلاش مساوي مع الله سبحانه وتعالى. لا هو هنا اشرك جعل المساوي هو - 00:03:10 هواه هواه لأن كل اسباب الكفر اللي هنقولها ديت هتجد ان فيها من اسبابها الرئيسية هو النفس. انا مش عايز اصدق الرجل دوت وتعشى نوى من قريش انا مستكبر ان انا اتبعبني اسماعيل. اانا مش لا مش هينفع اليهود يتنازلوا عن هتجد ان في داخل ايه - 00:03:25

هو ربنا سمي الهوى نفسه ايه؟ الله في القرآن. قال افرأيت من اتخذ الله هواه افرأيت من اتخاذ الله ايه؟ هو اه واصله الله على علم.

واضله الله على علم. يبقى صاحبنا ده ممكن في - 00:03:45

ظاهر مع عباتش حاجة لكن في الحقيقة هو يعبد ايه؟ هو اه يبقى في الحقيقة هو كل كفر شرك برضو يبقى الكفر والشرك شبه بعض بس ممكن احنا لو فرقناهم يعني عشان نفصص المعاني. خلى الشرك لوحده وخلال الكفر لوحده. لكن هو في الحقيقة كل شرك هو كفر. وكل كفر هو - 00:04:06

هو شرك. هو عايز يقول لنا يعني ان هنا الموضوع مش هيبيقي زاهر قوي في المساواة ديت هو الظاهر حاجة تانية بس هو في الباطن في مساواة انك انت جعلت هواك ند لله سبحانه وتعالى. الله يأمر وانت تطيع ما تريده نفسك - 00:04:28

يبقى انت جعلت الهواء ده ند مع الله سبحانه وتعالى. المهم هو يقول لنا ان الكفر برضه زي الشرك على درجات فيه كفر اكبر وكفر اصغر. الكفر الاكبر هيقول لنا هو خمس انواع - 00:04:45

اقسم الانواع دي على حسب سبب الایه؟ سبب الكفر ده نوع منين؟ فيبيقول النوع الاول كفر التكذيب ده صريح هو جا له الامر جا له الخبر جا له القرآن جا له الوحي جا له الرسول عليه الصلاة والسلام قال له انت كاذب - 00:04:59

وانا مش مصدق ليه؟ الكلام اللي انت بتقوله دوت وهذا كذب وافتراء، ساحر كاذب قال تعالى ومن اظلم من افترى على الله كذبا او كذب باياته وفي السورة او كذب بالحق لما - 00:05:14

اليس في جهنم مثوى للايه؟ للكافرين. فاي حد يكذب لا يلزم من يكذب بكل ما جاء به النبي عليه الصلاة والسلام يكفي ان يكذب ببعض ما جاء به النبي عليه الصلاة والسلام. واحد يقول انا مصدق قل للقرآن انا بصدقه. بس مش بصدق الآيات - 00:05:31

اللي فيها ليه الجن والملائكة والكلام دوت؟ بس كله تمام. قصص السابقين والكلام ده اي حاجة باشوفها باصدقها. بس ما الآيات الجن ابعدني عنها. نقول هذا ده كافر لانه كذب ببعض ما جاء به النبي عليه الصلاة والسلام. انت لو كذبت باية واحدة يبقى انت بتقول عليه كذاب - 00:05:54

خلاص كفاية مش لازم عشان اسبت ان انا كاذب ابقي كاذب على طول الایه؟ على طول الخط لكن يكفي ان انت تسبت علي الكدبة واحدة يبقى انا بالنسبة لك كاذب. فاذا كذب - 00:06:12

انسان ببعض ما جاء به النبي عليه الصلاة والسلام فهو كافر كفر اكبر مخرج من الملة كذلك ما ورد ما جاء عن النبي عليه الصلاة والسلام. ولم واتفقت عليه الامة او صار معلوم الدين بالضرورة. فمن كذب به ايضا فهو كافر بالله - 00:06:22

لكن لو في امر مش مشهور من الدين واحد كذب به نقول ممكن ما يكونش يعرف او هو جاهل بالمسألة او او اصل المسألة يكون فيها خلاف واحد بالك؟ واحد مسلا قلتنا له ان آآ الایه آآ لا يجوز مسلا الجموع في الزواج بين المرأة - 00:06:39

عمتها او بين المرأة وختالتها. ده حكم في الاسلام. والحكم ده فيه حديث صحيح عن النبي عليه الصلاة والسلام. بل اجماع الامة من السلف خلف على الحكم ده ما ينفعش واحد يتتجوز واحدة وايه - 00:07:01

وعمتها ولا واحدة وختالتها. جه واحد قال الكلام ده مش صح ما فييش الكلام ده. نروح مكفرینه لا ليه؟ لأن المسألة دي مش مشهورة. مش معروفة بين الناس. فلو واحد كذب بها اول ما سمعها كده ايه؟ ما عجبتهوش قال لك ايه الكلام ده؟ الكلام ده ايه؟ انت بتجيبي كلام من عندك انت - 00:07:14

انتم هتألفوا في الدين بلاش تشدد. فايده مش هقول له خلاص ده كافر. لأن هو بيكتب حاجة مش مشهورة او ان هو في مسألة فيها خلاف. لكن اللي بيكتب بايه؟ بيكتب المقطوع به. اللي هو ما فييش كلام فيه. ما فييش مسلم ما يعرفوش. واحد بيكتب بفرضية الصلاة مسلا - 00:07:32

واحد بيكتب بفرضية الحج. واحد بيكتب بحرمة الزنا. واحد بيكتب بحرمة الخمر. واحد بيكتب باية. دوت على طول ايه؟ كافر الله سبحانه وتعالى لا يلزم ان هو زي ما قلنا بيكتب بكل ما جاء به النبي عليه الصلاة والسلام. يبقى دوت اول نوع من الكفر اللي هو كفر الایه؟ التكذيب. بيقول لنا النوع - 00:07:50

تاني كفر الاباء والاستكبار كفر الاباء والاستكبار. يعني دوت غير الاولاني ليه؟ لأن ده مصدق. بس مش عايز يصدق مصدق بس مش

عايز مستكبر كحال اليهود وكحال كسير من المشركين. قال تعالى - 00:08:10

انهم لا يكذبونك ولكن الظالمين بايات الله ايه؟ يجحدون. يعني ربنا بيقول لهم مش بيكتدبوك. هم بيقولوا كده بس هم في الحقيقة مش بيكتدبوك لكنهم بيجدو. مستكبرين ان هم يتبعوك. كانوا نفسهم القرآن ينزل على حد غيرك. قالوا لولا نزل هذا القرآن - 00:08:33

على رجل من القارئين العظيم. اذا يعني هي مشكلته مش في القرآن. وقالوا لو نفس الكتاب ده كان نازل على واحد تاني كنا ايه؟ امنا به. يبقى انت هو مكدب ولا مش مكدب - 00:08:56

مش مكدب والا لو كان مكدب قال لو نفس القرآن نزل على اي حد كنت برضه ايه هكفر به. لا ده هو بيقول غيروا بس الايه؟ شخص وانا معكم على طول. يبقى هو مش مكدب - 00:09:05

في الحقيقة بالقرآن وما يقدرش يكدب به لانه عارف محتوى القرآن البلاغي والعربي هو عاجز ان هو يجاريه. ده مش كلام بشر ابدا مش طبيعي. بس احنا مشكلتنا في الشخص اللي جاي به - 00:09:15

فجحدوا بها. تمام؟ ومثل كفر فرعون. كفر فرعون ما كان كفر تكذيب. انما كان كفر تكذيب. ادي الاستكبار قال تعالى وجحدوا بها واستيقنها انفسهم ظلما وايه؟ وعلوا. ادي الايه؟ الاستكبار. وده موسى عليه السلام قال لفرعون قال لقد علمت - 00:09:28

لقد علمت ما انزل هؤلاء الا رب السماوات والارض بصائر يعني على بصيرة وانت عارف كويسي. واني لاظنك يا فرعون مثبورا. تمام؟ فموسى بيقول له انا اجزم انت تعلم - 00:09:51

اعلم بالله سبحانه وتعالى. وتعلم انه هو الذي يستحق العبادة. لكن انت معاند مكابر. يبقى كفر فرعون ما كانش تكذيب. انما كان كفر عناد. كفر ايه استكبار. لذلك كان الكبر ده اصعب شيء. اصعب شيء. الانسان يكون في قلبه منه. لأن دوت اصل اصول دايما الكفر. هو كفر كفر - 00:10:08

ابليس كان سببه ايه؟ اباء واستكبار. الا ابليس ايه؟ ابى واستكبار. وكان من الكافرين. هو ابليس اه عنده تكذيب ده مصدق تصديق ممكن ما يكونش عندك انت لان هو شاف اللي انت ما شفتواش. ده شاف الملائكة. واتكلم مع ربنا - 00:10:28

وشاف ايه شاف خلق ادم واتكلم معه يعني شاف حاجات يقين. يقين انت ما شفتواش خالص. وبالتالي ممكن يكون يقين ابليس كيس اقوى من يقينك انت لكن كفر بسببي الكبر الاباء والاستكبار. كذلك اليهود اليهود قال تعالى الذين اتباهنهم الكتاب يعرفونه كما يعرفون ابناءهم - 00:10:48

وان فريقا منهم لا يكتمون الايه؟ الحق وبالتالي آآ كان كفرهم مش بسبب التكذيب انما بسبب الايه؟ الاباء والاستكبار. فلا يكفي الانسان انا مصدق بس ايه مش هقدر ايه بس ابعدوني عن الموضوع دوت. نقول له لا لا يكفيك حتى تتبع. حتى تتبع. ابو طالب كان مصدق جدا بان - 00:11:11

النبي عليه الصلاة والسلام مرسل من عند الله سبحانه وتعالى. لكنه يعني ابى ابى ان هو يتبع النبي عليه الصلاة والسلام. قال هو على ملة عبد المطلب. وكان ابو طالب ينشد اشعار يبين فيها تصدقه للنبي عليه الصلاة والسلام - 00:11:31

كان يقول ولقد علمت قريش ان دين محمد خير اديان البرية دينا. ولو لا خوف مسبة وملامة لكنت به سمحا مبينا يعني لولا ان انا خايف من قريش تستمني وتلومني وكده. وان انا اترک دين ابائي كان زمانی على طول ايه؟ اسلمت لكن انا مش هينفع ادخل في الاسلام دوت. آآ ابو طالب - 00:11:48

كمصدق كان من اشد الناس تصديقا. للنبي عليه الصلاة والسلام لكنه ابى وهذا الاباء منع من ان يكون يلحق بال المسلمين. لانه ابى ان يقول لا الله الا الله. يبقى عندنا كفر التكذيب كفر الاباء والايه - 00:12:13

الكافر الثالث هو كفر الشك كفر الشك. الشك والتردد. يعني هو مش مش ما عندهوش اباء واستكبار ما عندهوش تكذيب على طول الخط هو متعدد زي المناقفين كده. لا الى هؤلاء ولا الى هؤلاء. تمام؟ فهو مش عارف مش عارف يعني يقول لك انا - 00:12:28 ممكن يبقى فيه الله ممكن ما يبقاش فيه آآ ممكن يكون آآ الرجال ده صادق ممكن يكون كذاب. هذا لا يكفي هذا ايضا كافر. قال تعالى

عن اهل الايمان قال اه انما المؤمنون الذين امنوا بالله ورسوله ثم - 00:12:50

لم يرتابوا. ثم لم يرتابوا وجاهدوا باموالهم وانفسهم في سبيل الله. وقال عن المرافقين قال فهم في ربهم يتربدون وقال لا الله هؤلاء 00:13:07 ولا الى هؤلاء. وقال عن الرجل اللي ايه اللي دخل الجنة؟ قال وما اظن الساعة ايه -

قائمة. يعني هو بيقول ايه يعني ممكن بس انا ما اظن شكل يعني. انا شاكك في الموضوع دوت فالشك بصوا يا اخوانا لازم نعرف ان 00:13:29 الايمان درجات طبعا بس الشك مش من درجات الايمان -

اول درجة تصديق. وبعد كده التصديق ده بقى ايه؟ بيتتفاوت في القوة بس لازم تكون مصدق بمعنى مسلا انت الان مصدق ان هناك آآ 00:13:47 ان هناك مسلا دولة اسمها استراليا. ما فيش حد فينا مكذب بهذا الامر. لأن ده خبر -

ما حدش يكزبه لا في واحد شاف فيلم تسجيلي عنها واتشافها في التليفزيون واتفرج على الحاجات فيها ازدي ازداد في التصديق لا 00:14:06 شك التصديق اللي شاف فيلم التسجيلي غير اللي سمع عنها بس. في واحد راح بقى استراليا -

واقعد هناك شوية وسافر وعاش هناك. ده تصديقه بلا شك ايه؟ اعلى بكثير. رغم ان الثلاثة مصدقين الاولاني دوت شاكك في وجود 00:14:22 استراليا لأ. اقل من كده مش مقبول واحد قال انا ما عرفش فيه وبلد نقول له لا انت كده غير مصدق بوجود الایه الدولة ديت. كذلك في الايمان بالله سبحانه وتعالى لازم تكون عدیت الشك دوت. عدیت الشك -

لازم تكون مستقر على التصديق. مش متربد ابدا. مش بتنزل عن الموضوع ده. بعد كده انت بتنافس في ايه؟ في درجات التصديق 00:14:44 دوت. مش في اصله مش وجوده. تمام؟ لذلك مذهب الشك ده مذهب كفر. يقول لك ايه؟ يقول لك اول الايمان شك. ازاي؟ يقول لك لازم الاول تشک في كل شيء -

زي ايه؟ زي طريقة الفلاسفة والمناطق. يقول لك انت لابد الاول تبدأ بالشك الاول تهدم كل شيء في عقلك انت مصدقه. وتشك في كل 00:15:03 حاجة وبعد كده تبدأ ايه تتثبت لنفسك حاجة حاجة وكل حاجة تسبتها لنفسك -

تصدقها وبعددين طب افرض هي امور بدبيهية يعني لا تحتاج الى شك افي الله ايه شك يعني ينفع ان انا ابدأ مع ربنا بالشك اذا كان هو 00:15:20 هو ربنا سبحانه وتعالى هو اصل كل شيء وهو دليل على كل شيء -

كيف الانسان يكون مبدأ؟ مذهبه في بداية في الايمان يقول لك الايمان لابد ان يبدأ بالشك عشان توصل للعيقين. طب ما انا ممكن ابدأ 00:15:34 بالتصديق وبعد كده اوصل للعيقين لازم ابدأ بالشكل. فده مذهب فاسد. والانسان لو قرر ان هو يهدم كل معتقداته ويبدأ بالشك. هو كده ما بدأش درجة من الايمان. هو بدأ بدرجة في الایه؟ درجة في -

كفر بدرجة في الكفر. لذلك كان الرجل في القبر لما يأتيه الملائكة يقولوا له بقى ايه؟ من ربكم؟ من دينكم؟ من الرجل الذي بعث فيك؟ 00:15:53 يقول ايه ها لا ادرى -

كنت اسمعهم يقولون فيبيقولون انا ما اعرفش كانوا بيقولوا عايز يقول انا كنت يعني مش عارف صح ولا غلط اه كان عقابه يوم الایه؟ 00:16:07 في القبر ان هو ايه؟ يضرب بمطارق يعني من حديد لو سمع صيحته من في السماوات ومن في الارض يعني لهلكوا. ولما ناموا -

فهو ما قالش ايه؟ ما قالش انا كنت مكذب. هو بيقول ها ها لا ادرى. فيقال له لا دريت ولا تليت. كنت قاعد كده مش 00:16:25 عارف. يقول لك انا ما اعرفش كانوا بيقولوا -

انا معرفش مصدقهم بقى مصدقهمش هما كانوا بيقولوا وخلاص فده كان في حالة ايه في حالة شك ما بالك بقى اللي كان في حالة 00:16:38 تكذيب هيحصل فيه ايه الشاهد يعني ان الموضوع آآ الايمان ما ينفعش يكون يبدأ بشك ابدا. ففي الله شك فاطر السماوات والارض. فاذا -

اذا كان الانسان يشك زي بعض الشباب مسلا دلوقتي بدأ يخش في مرحلة الشك بدأ يشك في دينه بسبب الاعلام بسبب كثرة 00:16:57 الملحدين بسبب الشبهات اللي بتعرض له. هو ما عندوش ما عندوش علم. وما عندوش -

وبالتالي اول ما حد بيزرقه كده بيشك بص يعني ربنا بيصف ضعاف الايمان في سورة الاحزاب. قال ولو دخلت عليهم من اقطارها ثم

سئلوا الفتنة لاتوها. وما تلبثوا بها الا يسيرا. لأن هو خفيف قوي. هو على الطرف هو مؤمن. بس ايه في اول درجات الایه؟ التصديق.
فلو حد خبطه خبطة هينزل للايه؟ للشك على طول - [00:17:13](#)

لذلك الانسان ما يكتفيش ان يبقى عنده ادنى درجة تصديق. لأن الفتنة كتير ممكن الفتنة اللي جاية تديك زقة كده تلاقى نفسك برة
على طول. ومن الناس من يعبد الله على ايه؟ على حق - [00:17:37](#)

طب انت لو واقف على حرف جبل واحد لا عملك كده بصباعه هيحصل لك ايه؟ هتفعل. لكن لو انت جوة شوية عشان يوقعك عايز
ضربة جامدة. طب لو انت في النص - [00:17:51](#)

مش ممكن يقعك مهما اتضريت. لانك انت كل اللي بتتزحزح بتلعب في الحلة الایه؟ اللي في النص في الآخر. لكن واقف على حرف اي
زقة هتفعل. يعبد الله على حرف فان - [00:18:01](#)

الله خير. يعني واحد زقه لجوة. نتمنى ايه به. وانها صلاته فتنته انقلب على وجهه خسر الدنيا والآخرة. فصاحبنا دوت اللي ايمانه
ضعيف هو زبون الشك. اول بقى ما يجي له بقى ايه حاجات عن الالحاد شوية شبهات تشفوف شباب في الجامعة بيقولوا كلام بيتدى
يخشن في المرحلة ديت. يقول لك يا شيخ انا ما بقتش عارف - [00:18:11](#)

مین صح؟ اول ما يقول كده فهو كافر من هذه الكلمة كافر. يعني هو مش مؤمن دلوقتي. لو وصل مرحلة بيقول لك انا ما بقتش عارف
فين الصح؟ ما بقتش عارف اللي احنا اللي بنعمله ده صح ولا غلط؟ ما بقتش عارف احنا بنعهد ربنا ده كده صح ولا غلط. ما بقتش
عارف يوم القيمة ده فعلا هيجي ولا مش هيجي - [00:18:31](#)

هو كفر بهذه الكلمة الشباب فاكر ان الكلمة دي لسه هو ايه؟ هو فاكر الكفر ان انا اخش في الایه؟ في الالحاد على طول. لا هو مجرد
انت ما ترددت كده - [00:18:50](#)

وصلت لايه؟ لغير. اسمه كفر الشك. كفر الشك. يقول لك انا بقى انا تهت بتقولوا كلام الناس بره بيقولوا كلام والشباب في الجامعة
بيقولوا كلام انا بقىت عارف يا شيخ حاجة انا بقىت تايه مش عارف الكلام ده ايه ما بقتش عارف - [00:19:01](#)
في يوم قيامة ولا ما فيش يوم قيامة؟ مش عارف بقى في في رينا ولا ما فيش رينا؟ انا ما اعرفش هو كده وقع في شرك. وقع في
شرك. خطر جدا يا اخواننا. خطر جدا. الشباب ضعيف الایمان يعرض نفسه - [00:19:17](#)

للمسكبات ديت لازم يحصل علم علشان الفتنة كتير واللي هو سابت واللي هو اصلا متعلم وكويس ما يفترش باللي عنده لان الفتنة كل
يوم ايه؟ بتزيد. ممكن اللي عندك ما يكفيش المرة الجاية - [00:19:31](#)

تمام فلازم انت كل يوم تزيد زي ما الفتنة بتزيد. يبقى عندنا كفر الشك ده الكفر الثالث. الكفر الرابع بيقول كفر الاعراض. الاعراض ده
بقى اصلا مش عايز يسمع. يعني اول ما بتيجي يجي حد يكلمه - [00:19:47](#)

ودانه يجري. واذا تلتلي عليه اياتنا ولی ايه؟ مستكبان كان لم يسمعها كان في اذنيه وقرأ. لأنهم حمر مستنفرة فرت من قسورة. مش
عايز يسمع. كل ما تقول له عايز اكلمك عن الحق عن الله الحق. يقول لك مش عايز اسمع ايه؟ يجري ويبعد عنك - [00:20:01](#)
دوت اسمه كفر الاعراض. حتى لو كان جهل يعني هو ما سمعش فعلا الرسالة. بس انت قلت له انا اسمعني عايز اعرض عليك الرسالة.
فقال لك لا لا انا مش عايز اسمع سبني كده احسن. ومن اظلم قال سبحانه وتعالى آآ ومن اظلم من افترع الله كذب وكذب ياتي -
[00:20:22](#)

آآ ثم اعرض عنها ثم اعرض عنها ان من المجرمين منتقمون. وبالتالي لا اظلم من اعرض عن ايات الله سبحانه وتعالى
فالاعراب ده مش عذر بمعنى ايه ؟ ما تقول لي طب ما هو اعرض ما هو ما يعرفش دلوقتي. نقول الجهل ده - [00:20:42](#)

مش عذر. العلماء مش بيعتبروا المعرض معذور لأن هو ا تعرض عليه انه يعرف هو ما رضاش فيبيقولوا الجهل الناشئ عن الاعراض
ليس بعذر. لأن هو ا تعرض عليه انه يعرف وهو ما رضاش يعرف. اعرض وقال لك انا - [00:21:05](#)

مش عايز فاعرض عنها ونسى ما قدمت ايه؟ يداه. فالاعراب ده مش عذر. لو واحد مسلا جه يوم القيمة يقول يا رب ما كنتش اعرف
تقول له انت مش رينا مش هيعرزه في الحالة ديت - [00:21:24](#)

لان هو اتعرض عليه وهو اللي ايه ما رضاش يسمع. لكن ايه هو الجهل اللي ايه؟ الجهل المعتبر الجهل ان واحد بيتعلم وبيسمع عادي بس هي المعلومة ما وصلتوش يعني هي المعلومة هي ظروفها كده ما وصلتوش اصلا. فدوق الجهل اللي بنسميه معتبر. لو صاحبه وقع في غلط بسبب الجهل ده ما فيش مشكلة - [00:21:37](#)

لكن المشكلة في اللي اتعرض عليه العلم وهو اللي ابى انه يسمع او يعرف فده بيسموه معرض وبيقولوا جهل الاعراض مش جهل ايه؟ معتبر قال تعالى والذين كفروا عما انزلوا - [00:21:59](#)

معرضون مش عايز يسمع عن الدين خالص. بعد كده بيقول كفر النفاق والمراد النفاق الاعتقادي بان يظهر الايمان وبيطعن الكفر. والدليل قوله تعالى ذلك بانهم امنوا ثم كفروا فطبع على قلوبهم فهم لا يفقهون. اللي هو الباء المنافق النفاق الاقبر. يظهر الايمان عادي - [00:22:16](#)

لكن هو من جوة بيبطن الايه؟ الكفر. ممكن المنافق ده يكون احد الانواع اللي فاتت على فكرة اه ما انا بقول لك المنافق مش مش لازم دايما يكون شاكك. ممكن يكون هو مكذب. بس هو لازم يعمل كده علشان ايه؟ علشان يعيش - [00:22:41](#) يعني وسط المسلمين ممكن يكون عنده اباء واستكبار. يعني هو ممكن يكون واحد من الاربعة اللي فاتوا بس هو يختلف عن الاربعة اللي فاتوا ان هو بيفظح الايمان وبيطعن الكفر. انهي كفر - [00:23:00](#)

اي كفر من دول ما عدا الاعارات طبعا هو المنافق مش بيقى معرض في العادة. هو ممكن يكون مكذب ممكن يكون مستكير ممكن يكون شاكك. صح؟ بس اه ما تسماش منافق عشان هو شاكك. هو اتسمى منافق عشان بيفظح الايه؟ الايمان. رغم ذلك بيبطن داخله الايه؟ الكفر. اللي هو ممكن يكون كفر اباء. ممكن يكون كفر - [00:23:13](#)

التكذيب ممكن يكون كفر شك مش مهم هتفرق معى. بس هو في الآخر كافر برضو. حتى لو ازهرايمان نقول الايمان ده لا ينفعه لأن العبرة بالاييه؟ بالضمائر والسرائر. تمام - [00:23:33](#)

طبعا ده الكفر النفاقي له الاقبر. الاقبر. اللي هو يلحق صاحبه بالكافر عادي في بقى الشريعة وصفت بعض الافعال بالنفاق وده بنسميه النفاق الايه؟ الاصغر. او بنسميه الاولاني نفاق اعتقد اي. وبنسمي الثاني نفاق عملي - [00:23:48](#) نفاق عملي. يعني نفاق اعتقد اي يعني نفاق في العقيدة. نفاق عملي يعني افعاله تشبه افعال المنافقين. لكن هل هو كافر لا مش كافر لكن بنسميه منافق نافق اصغر ودي اللي جاء فيها الحديث قال النبي عليه الصلاة والسلام - [00:24:07](#)

اربع قال آآ قال اية المنافق ايه؟ ثلاث اذا حدث كذب. واذا وعد اخلف واذا اؤتمن خان. فديت الحاجات ازا وجدت في احد نقول فيك صفات من المنافقين. ونخسى ان الصفات دي توصلك للنفاق الاقبر بعد كده - [00:24:27](#)

فالنفاق الاصغر غير الايه؟ غير النفاق الاقبر فيبيقول النفاق الاصغر وقال فيه النفاق الاقبر. النفاق الاقبر هو ان يظهر الايمان مع ان يكون في داخله يكذب الرسول عليه الصلاة والسلام. او يكذب بعض ما جاء به الرسول عليه الصلاة والسلام - [00:24:47](#)

او يبغض الرسول عليه الصلاة والسلام او يبغض ما جاء به او يفرح بهزيمة المسلمين او يحزن عند وجود اسباب السرور والسعادة للMuslimين وانتصار الدين وعلو الدين. فهذه كلها علامات ايه؟ نفاق. كل واحدة عليها دليل طبعا. التكذيب قلناد - [00:25:11](#) تكذيب بغض الرسول عليه الصلاة والسلام قال عليه الصلاة والسلام لا يؤمن احدكم حتى تكون احب اليه من ولده ووالده والناس اجمعين. يعني مجرد ان حبك بس للرسول عليه الصلاة والسلام - [00:25:38](#)

تمام. في حد احب احب لك منه ده غلط حرام. طب انت ما بتتحبoshi بقى اصلا؟ بقى ده اصلا ايه؟ كفر اكبر او بغض بعض ما جاء به الرسول عليه الصلاة والسلام. ربنا قال والذين كفروا فتعسا لهم. واضل اعمالهم. ذلك - [00:25:48](#)

انهم ايه؟ كرهوا ما نزل الله فاحبط اعمالهم. بقى مجرد ان انت بتكره بس. خد بالك اصل ده ممكن تجده في ناس فعلا. يسمع حكمه عن ربنا ويبقى عارف ان ده من عند ربنا وفي نفسه جوة بيكره هزا الحكم - [00:26:08](#)

يتمنى ان لم يكن بقى كارهه بس هو بينفذه ممكن كمان. بس هو في جواه كاره الحكم ده. حاسس ان الحكم ده في حاجة غلط

حساس بالحكم ده يعني في في زلم مسلا او نحو ذلك. فدوت ايه؟ يعني يكون كفر ايه؟ كفر اكبر - [00:26:25](#)
او بعض ما جاء به عليه الصلاة والسلام او ان يصر بهزيمة المسلمين. قال تعالى عن المنافقين. قال يا ايها الذين امنوا لا تتخذوا بطانة من دونكم. لا يألونكم خبالا. ودوا ما عنتم قد بدت البغضاء من افواههم وما تحفي صدورهم هي اكبر. قد بينا لكم الايات ان كنتم -

[00:26:46](#)

عاقلون. ها انت لا تحبونهم ولا يحبونكم وتومنون بالكتاب كله. واذا لقوكم قالوا امنا. واذا خلوا عض وعليكم الانامل من الغيط قل
[00:27:06](#) موتوا بغيظكم ان الله عليم بذات الصدور. ان تمسك حسنة تسوءهم -
وان تصبكم سيئة يفرح بها. يبقى دي عالمة المنافق ان لما يرى هزائم المسلمين في العالم يفرح ولما يرى عز الكافرين يفرح ولما يرى
انتصار المسلمين يتندد ولما يرى هزيمة الكفار يزعل - [00:27:25](#)

هذه عالمة النفاق الاكبر وليس النفاق الاصغر وهذا دليل على انه يبغض الدين. حتى لو كان في اسمه محمد واسمه عبد الله وبىصلي
معنا هذا ليس دليل على شيء. فالانسان يراقب احساسه وخواطره تجاه الدين. هل انت فعلا بتتحمس لقضايا المسلمين؟ هل بتحزن
لاحزانهم - [00:27:47](#)

هل بتفرح الافراحين؟ من لم يهتم بامر المسلمين فليس منهم كما جاء في حديث وان كان في ضعف. تمام فالانسان بيعرف احواله
بالاليه؟ بهذه الطريقة. يبقى هو هنا بيكلمنا عن النفاق. لذلك بعض الناس مسلا ممكن يسألك سؤال يقول لك طب لو واحد - [00:28:09](#)
نصراني ما بيقولش عيسى ابن الله هو بيقولش سالس سلام. بيعبد ربنا بس. خش النار ليه ده ده بيخش الجنة ازا يعني؟ لانه
يکذب الرسول عليه الصلاة والسلام مش كده؟ ويکذب بالقرآن - [00:28:26](#)
هو لا يکفي ان هو هو مجرد ان انت تقول ربنا واحد دي كفاية لازم تصدق ربنا نفسه مش كده؟ طب ربنا الواحد اللي انت بتبعده انزل
قرآن هل انت امنت - [00:28:44](#)

يقول لك لا لا ما امنش بالقرآن بس هو مؤمن ان ربنا ايه كمان واحد. طب هو قال محمد رسول الله هل انت مصدق الكلام ده لا انا
مش مصدق الكلام دوت يبقى انت اذا لم تؤمن بهذا الله - [00:28:54](#)
ما ينفعش واحد مسلا يقول طب نصراني بيعبد ربنا بس مش هيؤمن بالنبي عليه الصلاة والسلام خش الجنة حلو كده. كفاية
عيسى عليه السلام. تقول هذا لا يکفي ان ربنا اللي ارسل عيسى هو الذي ارسل ايه؟ محمد عليه الصلاة والسلام. فازا قال محمد كذاب
- [00:29:06](#)

يبقى هو لم يؤمن بالله سبحانه وتعالى. من لم يؤمن بعيسى. لأن عيسى جاء مصدقا لما بين يديه من التوراة بشرا برسول يأتي من
بعده اسمه ايه؟ احمد. طب هو يبقى لا - [00:29:22](#)

ما فيش رسول اسمه احمد يبقى انت كذبت مين كمان عيسى وكذبت موسى عليه السلام الذي يجدونه مكتوبا عندهم فين؟ في
التوراة والانجيل. ذلك مسلهم في التوراة مسل في الانجيل. يبقى - [00:29:32](#)
بيکذب عليه النبي عليه الصلاة والسلام كذب عيسى وكذب موسى. بل كذب جميع الانبياء. لانه ما مننبي الا بشر بالنبي عليه الصلاة
والسلام. واد اخذ الله ميثاق النبيين لما اتيتكم من كتاب وحكمة ثم جاءكم رسول مصدق لما مصدق لما معكم لتؤمن به ولتنصرنه.
وقال النبي عليه - [00:29:45](#)

عليه الصلاة والسلام لو كان موسى ابن عمران حيا لما وسعه الا ان يتبعني. يتبعني. وبالتالي ما ينفعش واحد يقول ده لو ابتدى
افتراض طبعا والا فهذا الافتراض يکاد يكون غير موجود. ان يكون هناك نصراني موحد بالله سبحانه وتعالى. لكن نفترض ان
الافتراض دوت واحد بيفترض وهنمسي - [00:30:05](#)

معي نقول ايضا لا يؤمن لا يقول لك مش انت بتقولوا من قال لا الله الا الله ايه؟ دخل الجنة ما هي لا الله الا الله ديت هي كلمة
ولا كلمة لها لوازم - [00:30:25](#)

كلمة وخلاص طب لا الله الا الله يعني ايه؟ يعني لا معبود الا الله طيب المعبود ده يتتصدق ولا ما يتتصدقش مفترض؟ هو كلمة طب انا

اقول لك لا الله الا الله بس اقول لك بس على فكرة انت ما ارسلتش محمد ولا انزلت قرآن. تنفعك ولا ما تنفعكش - [00:30:35](#)
وكان ما ينفعش اقول لا الله الا الله لان من لوازمهما محمد رسول الله. تقول لي ما هو الحديث جه لا الله الا الله بس. ما هي مفهوم ان بيقول لا الله الا الله. مش - [00:30:52](#)

صحي منه الا وهو بيقول ايه محمد رسول الله. فدي اغنت عن ذكر الثانية يعني. يعني ينفع واحد يقول من قال لا الله الا الله ودخل الجنة. لا الله الا الله بس بس محمد مش رسول الله. يبقى انت بيفي انت - [00:31:02](#)

خط ايه نقدت لا الله الا الله اللي انت قلتها. يعني انت قلتها ونقدتها تاني اه كانك قلت ايه؟ كانك قلت انت صادق بس في الحلة دي انت كذاب بيقى انت لقيت صادق ديت. ان صادق انت بتقول ان انت صادق وكذاب في نفس الوقت. فاللي ما يقول لا الله الا الله بس مش هقول محمد رسول الله. لأن قال ربنا - [00:31:14](#)

صادق وبعد كده قال عليه ايه؟ كذب بعد ذلك. عيادة بالله تعالى. فلا يكفي انسان يقول لا الله الا الله ويعتقد في قراره نفسه ان محمد ليس رسول الله. تمام - [00:31:36](#)

فالنصراني لا يصح اسلامه حتى اؤمن بمحمد عليه الصلوة والسلام. قال النبي عليه الصلوة والسلام نفسه والذي نفسي بيده لا يسمع بي احد من هذه الامة يهودي ولا نصراني ثم لا يؤمن بالذي جئت به الا كان من اهل النار. الا كان من اهل النار. بعد كده بيقول لنا - [00:31:46](#)

الكافر الاصغر. الكفر الاصغر ده لا يخرج من الملة. تمام ولا يوجب الخلود في النار تمام؟ بيقول منه لکفر النعمة. واحد مسلا ربنا انعم عليه بنعمة ما شكرهاش. استعملها في معصيته. نقول له انت كفرت النعمة يا اخي - [00:32:07](#)

كافارة النعمة هل تقصد كفر اكبر؟ لأن هو ما عملش حاجة كفر اكبر بس هو ما شكرهاش آآ استعملها في المعصية. نقول لقد كفرت النعمة. وده ربنا سماه كده في القرآن واضرب لهم مثلا وقال تعالى وضرب - [00:32:23](#)

الله مثلا قرية كانت آمنة مطمئنة يأتيها رزقها رغدا من كل مكان فكفرت بانهم الله فاذاقها الله لباس الجوع والخوف ما كانوا يصنعون. وقال النبي عليه الصلوة والسلام اثنين في الناس هما بهم كفر كفر. قال الطعن - [00:32:40](#)

في النسب والنياحة على الميت طعن في النسب ان الناس تعاير بعض من الناس يقول لك انت انت من عيلة مش كويستة. اه انت ابن فلان انت عيلتك او اصلا واحد بيقى عيلته كويستة يقول لك - [00:32:59](#)

لا لا انت مش منهم. انت كذاب. الاهلي عمرهم ما يجيبوا واحد زيك. بيقى ايه الطعن في الایه؟ النسب. فده سماه النبي عليه الصلوة والسلام كفر. وباجماع العلماء الطعن في النسب - [00:33:14](#)

مش مخرج من الملة. بيقى الكفر هنا المقصود به كفر ايه؟ اصغر. قال والنياحة على الميت ان المست بقى تقعد ايه؟ تنوح على الميت. فدوات كفر ايضا قال النبي عليه الصلوة والسلام لا ترجعوا بعدى كفارا يضرب بعضكم رقاب بعض. لا ترجعوا بعدى كفارا - [00:33:24](#)

يضرب بعضكم رقاب بعض يعني تموتوا بعض. وقال النبي عليه الصلوة والسلام سباب المسلم فسوق وقتاله كفر وقتال ايه؟ كفر. طيب الحديث الاصل ان انا بتعامل معه على الظاهر ولا باوله؟ بحمله على معنى تاني - [00:33:44](#)

الاصل ان انا بتعامل مع كل حديث بالايه؟ بالظاهر هتقول لي انت جبت الكلام ده منين؟ الحديث بيقول قتال المسلم كفر والنبي عليه الصلوة والسلام قال على القتال لما المسلمين يقاتلوا بعض. قال لا ترجعوا بعد ايه؟ كفارا. نقول لو هو الحديث ده بس اللي كان في المسألة كنا قلنا - [00:34:06](#)

ان قتل النفس كفر ايه؟ اكبر لكن لازم نشوف الادلة كلها علشان نعرف الكفر المقصود به في الحديث اكبر ولا اصغر الاصل لما يجي كلمة كفر في الادلة الاصل ان هي كفر ايه؟ اكبر. الا ان يأتي دليل يدل على ان الكفر ده ايه - [00:34:25](#)

اصغر. من الادلة اللي بتدل على ذلك اجماع العلماء. يعني لو العلماء كلهم اجمعوا ان المسألة دي كفر اصغر خلاص. بيقى الموضوع متنهي. القتال مسلا فيه غير بقى الاجماع فيه ادلة من الشرع. ربنا سبحانه وتعالى قال - [00:34:45](#)

في سورة الحجرات وان طائفتان من عملوا ايه؟ اه وان طائفتي من المؤمنين واصلحوا بينهما فسماهما انهم اقتلوا وفي نفس

الوقت سماهم ايه؟ مؤمنين. ما قالش ما قالش لا واحدة ايه؟ كافرة ولا قالش الاثنين كفرا. يبقى سماهم مؤمنين وفي نفس الوقت
يبقى قاتلوك كفر تبقى كفر ايه - 00:35:02

اصغر فهمناها كده؟ وربنا سبحانه وتعالى لما بين اه اه قال يا ايها الذين امنوا كتب عليكم القصاص في الایه؟ في القتل واحد قتل
واحد اهو الحر بالحر والعبد والانثى فمن عفي له من ايه؟ من اخيه شيء - 00:35:27

فسماهم اخوه وهو ايه؟ وهو يعني هو ده ميت وده ده قاتل وده مقتول وسماه اخوه برضه فمن عفي له من اخيه شيء. يبقى
سماهم اخوه رغم ان واحد فيهم قتل الایه؟ قتل الثاني. يبقى ده دل على ان القتل ليس - 00:35:45

كفر وفضلًا عن القتال. قتال مش كفر والقتل برضه مش ايه؟ مش كفر. اذا يتبيّن لنا ان في ادلة. تقول لك ان الكفر كفر ايه في ادلة في
اشياء هي كفر اكبر وفي اشياء في الشرع هي كفر ايه؟ اصغر. هي كفر اصغر. وفي حاجات فيها خلاف على فكرة. في مسائل فيها
خلاف - 00:36:03

على رأس المسائل فيها خلاف ايه؟ ترك الصلاة. دي اكبر مسألة بين اهل السنة فيها خلاف قال النبي عليه الصلاة والسلام العهد الذي
يبنينا وبينهم ايه؟ الصلاة. فمن تركها فقد كفر. برضه احنا بنقول ان الاصل لما تأتي كلمة كفر في الادلة يقصد - 00:36:23
دي الافضل ولا الاصغر؟ الافضل. يبقى انا لو عندي الدليل ده بس هقول ان ترك الصلاة ايه؟ كفر اكبر. المشكلة ان اهل العلم فعلًا تنازعوا لان
الادلة فعلًا مشتبكة في ادلة توحى لك فعلًا ان الكفر كفر اكبر. وادلة تانية توحى ان الكفر كفر اصغر. وبالتالي طبعا المسألة مش هقدر
استطرد فيها. لكن المسألة دي فيها خلاف - 00:36:40

على فكرة الى يومنا هذا ما زال من علماء اهل السنة من يقولون ان تارك الصلاة كافر كفر مخرج من الملة. لا يكفن ولا يغسل ولا يصلى
عليه ولا يرث ولا يورث. ويفصل بينه وبين - 00:37:00

مراته مشكلة كبيرة والقسم الثاني من العلماء بيقولوا لا هو فاجر فاسق لكن هو مش كافر كفر اكبر. دي مسألة خطيرة. مسألة الزكاة.
الزكاة فيها خلاف بين اهل العلم تارك الزكاة هل هو كافر كفر اكبر ولا؟ كفر ايه - 00:37:13
ولا كفر اصغر آآ واحد بالك؟ لهم ادلة طبعا. لكن انا عايز اقول ان ايه في مسائل متفق انه يأكل في الافضل ومسائل متفق ان هي كفر
اصغر. وفي بعض المسائل - 00:37:30

قليلة اللي فيها خلاف من اهل العلم هل تركها هل فعلها كفر اكبر ام اصغر؟ زي ايه؟ ترك الصلاة خصوصا وترك الزكاة. تمام واختلفوا
في الصيام والحج لكن خلاف في الصيام والحج اقل بكثير من الخلاف والخلاف حتى مش مشهور. لكن اكبر خلاف مشهور في الایه؟
في الصلاة والایه؟ والزكاة - 00:37:40

بعد كده بيقول لنا المبحس الخامس ادعاء علم الغيب وما يلحق به يقول الغيب هو كل ما غاب عن العقول والانوار من الامور الحاضرة
والماضية. وقد استأثر الله تعالى واحتضن نفسه بذلك. قال تعالى - 00:38:00

قل لا يعلم من في السموات والارض الغيب الا الله. قال له غيب السموات والارض عالم الغيب والشهادة الكبير المتعال. فلا يعلم
الغيب الا الله. لا يعلمه لا ملك ولا نبي ولا احد. قال تعالى - 00:38:16

ولا اقول لكم عندي خزانة الله. ولا اعلم الغيب ولا اقول لكم اني ملك. ولو كنت اعلم الغيب لاستكتثرت من خير وما مسني السوء.
تمام؟ فهذا دليل على ان احد الا الله لا يعلم الغيب. لا يعلم الغيب - 00:38:32

اما اه يعني اه النبي عليه الصلاة والسلام او جبريل جبريل عليه السلام سأله النبي عليه الصلاة والسلام متى الساعة؟ قال ما
المسئول عنها؟ لاعلم من يعني ده غيبة ولا انا ولا انت نعرفه ان الله عنده علم الساعة. قال النبي عليه الصلاة والسلام خمس لا يعلمهم
الا الله - 00:38:52

ان الله عنده علم الساعة وينزل الغيث ويعلم ما في الارحام وما تدرى نفس ماذا تكسب غدا وما تدرى نفس باي ارض تموت. هذه
الخمس استأثر الله تعالى قال بعلمها - 00:39:11

يبقى احنا اتفقنا ان الغيب لا يعلمه الا الله. اذا من ادعى علم الغيب وقد ادعى صفة من صفات الله كمان يقول انا احبي وامي.

فيش فرق بقى هنا. لأن علم الغيب صفة خاصة بالله فقط. فقط لا يشاركه فيها احد. فلو واحد قال - 00:39:26
انارأي اعلم الغيب نقول انت الان صرت ندا لله جل وعلا وهذا كفر بلا شك. تدعى يعني ان الدية لله سبحانه وتعالى. تقول انا مثل الله في علم الغيب. انا مثل الله في معرفة الغيب - 00:39:46

فهذا كفر بلا شك بلا شك. فمن زعم انه يعلم الغيب فهو كافر كفر اكبر مخرج من الملة. الله تعالى اطلع بعض عباده زاده على شيء من الغيبات قال تعالى عالم الغيب فلا يظهر على غبيه احدا. الا - 00:40:03

من ارتضى من رسول انه يسلك من بين يديه من خلفه رصد وهكذا. زي ما ربنا مسلا قال للنبي عليه الصلاة والسلام على احدى آآ اشرط الساعة مسلا الكبرى ان ينزل عيسى وآآ يأتي الدجال ومش عارف ايه طب مش ده غيب؟ هو غيب بس آآ - 00:40:22
طيب قبل ما قبل ما ربنا يخبر به النبي عليه الصلاة والسلام. بعد ما اخبر به النبي عليه الصلاة والسلام خلاص ما بقاش ايه؟ ما بقاش غيب خلاص هو كده كده هو ربنا اللي قاله لنا - 00:40:40

انا اقصد ان اللي بيذعي علم الغيب يذعي انه عرفه من نفسه لكن لو ربنا اللي قايل له يا مدام انا مش ادعاء لعلم الغيب ده هو هو عالم الغيب هو اللي قال لي - 00:40:49

فانا ايه يبقى انا ما جبتش من عندي انما ادعاء العلمي ان انا تجيبيه من عندك انت. لكن انا دلوقتي قلت لكم انا اعلم انه سينزل في اخر الزمان عيسى. انا مش بادعي - 00:40:59

علم الغيب انا بنقل عن الله هو ربنا اللي قال لي كده تمام؟ والنبي اللي قال لنا كده وربنا هو اللي قايل له كده. وبالتالي المصدر هو عالم الغيب. عشان كده بدأ بالالية بقول ايه؟ عالم الغيب. فلا يظهر على غبيه احدا. فلا - 00:41:09

يسمي الذي عرف الغيب من الله انه صار عالم بالاليه؟ بالغيب. والا فهو اللي اخبره هو ربنا نفسه سبحانه وتعالى. لكن الداعية الغيب انك انت تقول انا انا من عندي اعرف هيحصل ايه بكرة. هي دي الاليه؟ هي دي الكارستة وهي دي المشكلة. تمام؟ آآ فمن ادعى - 00:41:23

حلم الغيب هو كافر بالله سبحانه وتعالى. حتى تجد ان حتى الغيبات اللي ربنا اخبر بها غيبات ناقصة. عشان ينزل علم الغيب له وحده سبحانه وتعالى يعني اخبارنا مسلا ان في دجال بس امتي هينزل؟ ما يعرفش - 00:41:45

اه يعني هيبقى بالظبط يعني الاحداس تحصل ايه؟ ادلك معلومة عامة كده حتى ظل كمال العلم له سبحانه وتعالى. فازا اعطى عبده معلومة فهي معلومة في وسط الف معلومة ينزل المسيح ينزل الدجال. لكن ايه اللي هيحصل في الزمان ده؟ وازاي الدنيا ه تكون موجودة؟ التفاصيل دي ما حدش يعرفها. فين بالزبط آآ ازاي بالزبط؟ بالزبط بالزبط ممكن ما - 00:42:00

ما يكونش عندك كل التفاصيل هي حتى معلومات بتبقى محدودة للناس ويستأسر ربنا بالغيب المطلق لنفسه سبحانه وتعالى. طيب عندنا بيقول لنا الدعاء علم الغيب. ماشي هييجي في نمرة اربعة هييعيدها تاني فانا هقولها دلوقتي عشان ما نعدهاش تاني - 00:42:25

اللي هي الكهانة يقول وهي ادعاء علم الغيب. والاصل فيها استراق الجن السمع من كلام الملائكة فتلقيه في اذن الكاهن قال النبي عليه الصلاة والسلام من اتى كاهنا فصدقه بما يقول فقد كفر بما انزل على محمد عليه الصلاة والسلام. المسألة دي مهمة للغاية - 00:42:52

مهمة للغاية. وهي ادعاء علم الغيب. او لا ازاي واحد بيعلم الغيب لا خلينا الاول نقول مسألة. الغيب نوعين. في حاجة اسمها غيب نسيبي وفي حاجة اسمها غيب مطلق. تاني في حاجة اسمها غيب - 00:43:13

نسيبي وحاجة اسمها غيب مطلق. ايه الفرق بين الالتين؟ الغيب النسيبي غيب بالنسبة لي انا بس. وممكن بالنسبة لك مش غيب بمعنى انت في جيبك ايه دلوقتي؟ انا اعرف لأ بس انت - 00:43:37

تعرف بالنسبة لي ده غيب بس بالنسبة لك مش غيب ايه اللي بيحصل في الشارع بره دلوقتي؟ احنا كلنا نعرف ما نعرفش. بس الناس اللي قاعدين في الشارع عارفين ولا مش عارفين؟ عارفين. بالنسبة لنا ده غيب بالنسبة لهم هم - 00:43:53

مش غيب تمام؟ طيب ده اسمه غيب ايه؟ نسيبي اللي هو حاجة يعرفها ناس وما يعرفهاش ناس تانية. فبالنسبة اللي ما يعرفهاش دي بالنسبة لهم بس غيبة نسيبي. يعني لو راحوا سألوهم هيعرفوا - [00:44:09](#)

لكن ايه اللي هيحصل بكرة في حد يعرفه لا ده اسمه غيب ايه مطلق اللي هو مستحيل ما فيش حد يعرفه متى تقوم الساعة غيب مطلق متى سيموت الانسان غير مطلق؟ ماذَا سيرزق؟ غيب مطلق - [00:44:22](#)

تمام فدي انواع غيبيات مطلقة انا عايز اقول الفرق ده مهم جدا في الحكم ومهم عشان هيفهمك حاجة مهمة. هو اصلا الكهان دول بيعرفوا بيعرفوا انهي لو لو قدر يعرف غيب. اخره هيعرف الغيب الايه - [00:44:43](#)

النسيبي مستحيل يعرف الغيب ليه؟ المطلق. مستحيل. لكن اخره يعرف الغيب النسيبي. وده اللي بيخليله يضحك على الجهل. طب حتى الغيب النسيبي بيعرفه منين؟ بيعرفه عن طريق الايه؟ الجن. طب عشان يقدر يعرف المعلومة - [00:45:00](#)

عن طريق الجن لازم يكون دفع التمن. ايه هو التمن؟ الكفر بالله. انما نحن فتننة فلا تكفر. فاذا اراد الانسان ان الجن تخدمه لازم يكفر بالله. فالجن تعرض عليه خدمات مقابل ان يكفر بالله - [00:45:20](#)

يعني يعمل لهم بقى خدمة معينة زي مسلا بيول على المصحف مسلا عيازا بالله تعالى يا يكتب القرآن بالقلب او بالدم او بالمني او غير ذلك ممكن يعمل اي فليذبح لغير الله - [00:45:37](#)

وبعد كده الجن بيخلوه يخلي اللي بيحي له يعمل كده يقول له ياخد الطائر ده يذبحه في الحنة الفلانية ويقول كذا عشان انت توصله اللي هو عايزه. بقى شغال عندهم بيخليل الناس ايه؟ تكفر. في الحالة دي يعملوا له اللي هو عايزه. بس اخر الجن برضه هيعرفوا معلومة ايه؟ معلومة - [00:45:49](#)

نسبيا فالجاهل بيفتتن بكده فييجي للكاهن مسلا كان يقول له انت انت اسمك فلان صح؟ يقول له اه صح. انت جاي عشان كذا صح انت امك اسمها كذا. ده الرجل ده جامد جدا. واخد بالك ويبتدي الجاهل يفتتن بالايه؟ بالكافر. فلو قال له بكرة هيحصل لك - [00:46:08](#)

هيروح ايه تصدقوا طبعا ده انا عارف كل حاجة. فالجاهل مش مفرق ما بين الغيب ليه؟ النسيبي والغيب المطلق. هو سهل جدا الكاهن هو قاعد جوة. فيه جن معه. وفيه جن - [00:46:27](#)

معك انت كمان. الجن اللي معك عارف عنك كل حاجة. مش كده الجن اللي معه بيروح للجن اللي معك يقرره. بيعرف منه كل حاجة عنك. ويرجع للكاهن يقول له كل حاجة - [00:46:39](#)

الفلان ده اسمه كذا وام اسمها كذا وجي عشان كذا وساكن في الحنة الفلانية. فهو يحفز المعلومات دي ويخش يبهرك بها اول ما تدخل. انت فلان انت جاي من الحنة الفلانية انت - [00:46:51](#)

انا جاي عشان كذا الله الله الله ده حاجة جامدة جدا. فلو قال لك بقى اي حاجة هتروح ايه تروح مصدقة. سواء كان قال لك مطلق او نسيبي هتروح انت خلاص استسلمت. هتصدقه في اي حاجة. ففهمك للغيب المطلق والنسبة يخليك تفقص الكاهن - [00:47:01](#)
اي حاجة بيقولها لك اعرف ان هو سهل جدا يعرفها عن طريق الايه؟ الجن. ما فيهاش اي مشكلة. لكن لا يمكن يقدر يعرف غيب ايه مطلق. مستحيل مستحيل. فلو قال لا غيب مطلق اعرف ان هو كزاب قطعا. لا تصدقه في ذلك - [00:47:16](#)

الحديث طبعا هم بيستعينوا بالايه؟ بالجن زي ما قلنا. الحديث بيقول ما نتعرف او كاهنا فصدقه بما يقول فقد كفر بما انزل على محمد. طيب هل الكفر هنا كفر اكبر ولا اصغر - [00:47:35](#)

المسألة دي فيها ايه؟ فيها كلام. فقد كفر من زي محمد. هي الاشكالية مش بسبب الحديث ده. اشكالية لسه في حديث تاني. قال من اتنى عرفوا فسألته عن شيء لم تقبل له صلاة - [00:47:48](#)

اربعين يوما. هو لو كافر كفر اكبر هتقبل صلاته اصلا لاربعين ولا تسعين ولا مية خلاص مش فارقة. كونها لا تقوى الاربعين بس وبعد كده تتقبل بقى هو مش كافر. طب الحديث ده بيقول صدقه فقد كفر. العلماء جمعوا بين الحديسين قالوا لو صدقه في الغيب النسيبي - [00:48:04](#)

يبقى هو ده اللي كافر كفر اصغر لا تقبل له صلاة اربعين يوما لو صدقه في الغيب المطلق يبقى كافر اكبر مخرج من الملة سهلة؟

تاني هو جه قال لك - 00:48:24

مش لازم يقول لك معلومة عنك يعني قال لك على فكرة فلان بيحسدك. ده عيب ايه؟ نسيبي. ممكن صح يكون فعلا معلومة موجودة يعني. فلان بيحسدك. فلان سرقك. اللي قتل - 00:48:41

قربيكم فلان فلان في الحياة المسروقة في الحنة الفلانية. ده اسمه غيب ايه؟ نسيبي. لو انت صدقته في الكلام ده يبقى ده كفر ايه؟ اصغر والعقاب بتاعه لا تقبل لك صلاة - 00:48:54

اربعين يوما لان ده هيأدي بك بكرة للكفر الاكبر هتصدقه في الباقي لا ده قال لك على فكرة انت هتتجوز فلانة وختلف منها ولدين وبنت رحت انت مصدقه؟ يبقى ده كفر ايه؟ اكبر لان انت صدقته في غيب ايه؟ مطلق. واضحة يا اخوان؟ يبقى ايه لا تقبل له صلاة اربعين يوما اللي هيصدق الكائن في كفر - 00:49:11

ايه؟ في غيب ايه؟ نسيبي. اللي هي معلومة موجودة. بس انت انت مش عارفها مش اكتر. هو جابها لك من مكانها فده كفر اصغر لان هو هنا مش بيدعوي حاجة هي خاصة بالله - 00:49:34

ان الغيب النسيبي ده في ناس عرفاه مش كده هل ده خاص بالله؟ لأن. فهو هنا لما قال غيب نسيبي ما ادعاش صفة من صفات الله. لأن الغيب ده موجود مع ناس كتير. مش كده؟ لكن امتى يدعوي - 00:49:45

اي صفة من صفات الله لو الغيبة مطلق. يبقى انا لو هصدقه في واي بنسيبي ما يكونش كفر اكبر لكن كفر اصغر لا تقبل هي صلاة اربعين يوما. لو هتصدقه في غيب مطلق يبقى ده كفر ايه؟ اكبر مخرج من الملة - 00:49:57

يبقى دي الكهانة. تمام؟ نرجع بقى نمرة واحد اللي قالها دي السحر بقى السحر. السحر طبعا خطير للغاية. السحر برضو بنفس الطريقة السحر لا يكون الا عن طريق الايه؟ الجن. ان الانسان يمشي على الماء مسلا او يطير في الهواء او ان هو يؤذن شخص او ان هو - 00:50:11

فرق بين الرجل وامرأته. او ان هو يخلي المرأة دي جميلة في واحد يحبها. او يقبح السست دي لجوزها عشان يكرهها. او السست تروح تعمل عمل لجوزها عشان يحبها اه فالشيطان يزيتها له دايما. حتى مهما كان فيها. او العكس واحد يعمل سحر لواحد عشان يكره مراته. فالشيطان يقبحها له - 00:50:31

ان هو يؤذنها او يصرعه او او كل الكلام ده يتم عن طريق الايه؟ الجن. ونرجع تاني نقول ان التمن دايما علشان الجن يستغل معك لازم تكون دفعت التمن. لا يمكن لا يمكن الجن ان يقبل ان يعمل معك طالما انت على الاسلام - 00:50:51

لا يرضى بذلك صريحة واتبعوا ما تتلوا الشياطين على ملك سليمان. وما كفر سليمان. ولكن الشياطين كفروا. يعلمون الناس ليه السحر وما انزل على الملائكة بباب الهارون وماروت وما يعلمان من احد حتى اقول انما نحن فتنة فلا تكفر - 00:51:10

يتعلمون منها ما يفرقون به بين المرء وزوجهم ما هم بضارين به من احد الا بازن الله وتعلمون ما يضرهم ولا ينفعهم. ولقد علموا لمن اشتري ماله في الآخرة من خلاق - 00:51:32

يبقى مين اللي ما لوش في الآخرة من الخلائق يا اخوان؟ الكافر مش كده؟ يبقى اذا الساحر اذا كان سحره فيه استعانا بالجن فلا بد ان يكون هذا الساحر ايه؟ كافر. تمام؟ فيه ساحر واحد مش كافر هنقوله دلوقي. السحر يا اخوان تلات انواع - 00:51:42

السحر الاول سحر حقيقي اللي هو مسلا فالراجل فعلا يمشي على الماء زي ما انت بتشفوف فيه فيديوهات كده على النت واحد يمشي على الماء على فكرة دوت مش بيستغلك ده يمشي على الماء فعلا وقاعد بيطير في - 00:52:02

الهواء هو بيطير فعلا. بس مين اللي بيعمل كده؟ مين اللي شايله؟ الجن. يا اخوان الجن جابت لسليمان العرش. قالوا له يعني نقدر نجيبيه لك من ايه من اليمن للشام في ساعتين يعني. مسألة سهلة بالنسبة له. يعني يشيلبني ادم دي ما فيهاش اي حاجة يعني. فممك الجن يعمل لك سحر حقيقي. تمام - 00:52:14

ما السعر الحقيقي ده بيبقى آخره يشيلك بتاع لكن مش هيقدر يعمل حاجة من صفات ربنا مش هيقدر الجن يخلق مثلًا او يحيي مش

هتحصل تمام؟ في الساحر الثاني السحر تخيل - 00:52:34

تخيل زي السحر اللي حصل ليه؟ لف موسى عليه السلام لما رأى ان كل الحال اللي اترمت قدامه ايه؟ حيات. هو شافها كده فعلا. حتى موسى نفسه سحر بس هي انقلبت حياة حقيقي - 00:52:46

لأ دي حاجة ما يقدرش يحول العصاية بتعبان دي حاجة بتاعة ربنا. ما يقدرش يحول الايه؟ الحال لحية. صح الشيطان ما عندوش القدرات دي خالص. لكن يقدر يخليلك تشووفها كده - 00:53:01

يزينها لك يخليلك تشووفها كده بس هي مش كده. يخيل اليه من سحرهم انها ايه تسعي فايها؟ فده تخيل وده من نفس السحر اللي بيحصل للصرف والعطف. ايه الصرف والعطف ده؟ الصرف ان يخلي قلب رجال ينصرف الى امرأة - 00:53:15

او العطف ان هو او الصرف ينصرف عن امرأة. والعطف ان هو ينصرف الى امرأة. بيحصل برضو بالتزين دوت. خلى له احل واحدة في الدنيا او العكس لا وحشت واحد في الدنيا. خليه يشوفها يخاف - 00:53:33

خليه يشوفها يسترق عادي ممكן يقدر يعمل كده. تمام؟ فده اسمه سحر ليه؟ تخيل بقى فقلنا فيه سحر حقيقي اللي هو فعلا بي Shirleyk بيحطك بتاع في سحر اللاتين دول مش ممكן يحصلوا الا بالاستعانا - 00:53:46

بالجن. ومش ممكן يحصل استعانا بالجن الا بالكفر بالله سبحانه وتعالى يكون النوعين من السحر دول اللي يتعلمهم او يمارسهم فهو كافر كفر اكبر. فاضل السحر الاخير اللي هو السحر اللي احنا عارفينه بتاع - 00:54:01

اللي هو البيضة والحجر وحلق حوش وغمض عينك تأكل ملين وبتاع وايه ودخل البيضة تطلع من هنا هوب طلع من ودانه الكلام ده ايه يعني ايه حنكش؟ يعني هو مش سحر حقيقي هو مجرد خفة يد - 00:54:14

هل في استعانا بالجن؟ لأ اي واحد فينا ممكן يعمل شوية الحركات دي لو اتعلمنا مش كده؟ كنا بنعملها واحنا صغيرين للأسف. السحر ده ما فيهوش استعانا بالجنة. هو معتمد على ايه - 00:54:31

على السرعة الدخان الا ضوء بس تمام؟ لكن هو مش سحر بجد. هو مجرد خداع. فنخول هذا السحر حرام لكن ليس كفر. لأن هو ما استعملش عشان يصل له حاجة كفريه. زي ما احنا كنا بنعمل احنا كنا بنعمل حاجة كفر عشان نتعلم الحاجات دي. عادي بتقعد مع واحد بتاع يعلمك حركتين وتقعد تلعب مع العيال وخلاص. نقول - 00:54:41

استازة حرام ليه حرام طيب؟ عشان في تشبه بالساحر الحقيقي. وفي خداع للناس الطفل يا اخوانا لما يشوف الساحر كده بيصدق فعلًا. خطر جدا نخلي اطفالنا يتفرجوا على الساحر حتى بتاع خفة اليدين - 00:55:05

يعني انت ممكן تلاقي بنتك مسلا تتفرج على الساحر تقول لك بص يا بابا الساحر خلق الارنب صح؟ الساحر اتنى للبنت واحياها طب انا انا عندي حصانة ماشي لكن عيالي الصغيرة ما عندهمش حصانة احنا كنا زمان نفكروا فعلا الساحر موت البنت واحياها. صح؟ وان هو فعلًا بيططلع حاجات فده ممكן - 00:55:18

دم عقائد. وبالتالي حرام ان مشاهدة السحر دوت او يخلي اطفالك يشوفوه. او ان حد يمارسه. لكن مش كفر ايه؟ مش كفر اكبر. تمام وهكذا بعد كده ذكر لي الاadle - 00:55:39

طبعاً ورد عن جندب بن عبد الله رضي الله عنه وارضاه ان حد الساحر ضربة بالسيف. بس طبعاً ده الساحر اللي هو النوع الايه؟ الكافر اللي هو النوع الاول والثاني حد الساحر ضربة بالسيف. بعد كده في عجلة بيقول نمرة اتنين التنجيم. التنجيم بقى ان انت تعرف تستدل على الاحداث - 00:55:55

من خلال موقع النجوم اللي هو ايه؟ اللي هو زي حظك اليوم وزي ايه الحاجات ديت؟ بختك من السما سموها دلوقتني بختك من السما. الاستدلال بالاحوال الفلكية على الحوادث الارضية. يعني انا اشوف ايه النجوم في السما؟ اقول لك اه النهاردة انت هيحصل لك حاجة كويسة. هو انت برج ايه؟ برج العقرب مم - 00:56:15

البرج بتاعك كده شكله وشكل موقع النجوم في السما بيقول انك انت النهاردة هيحصل لك حاجة مش كويسة. او هيحصل لك حاجة كويسة او هتتجوز او مش هتتجوز لا ده النهاردة طالما النجوم كده يبقى النهاردة الارض هترزق. النهاردة الارض هتمنع. النهاردة

هینزا مطر. النهاردة مش هینزا مطر. کل ده ضلال میعن - 00:56:37

لا يوجد علاقة بين موقع النجوم وبين الاقدار. والعلم ده كله علم تحريف فيه تحريف. يسموه فيه علم للنجوم علم جيد وعلم النجوم
علم فاسد. علم النجوم علم جيد اللي هو الفلك الحقيقى - [00:56:57](#)

انك انت تعرف بقى ايه سير الاجرام السماوية والحركات ديت. اللي هو العلم الفلكي الحقيقي. ده علم جيد بلا شك لكن العلم الخرافي
الخزعبللي اللي هو ما لوش اي موقع من التعبير. اللي هو علم ان هو موقع النجوم وعلاقتها بالاقدار اللي بتحصل للناس. هذا -

00:57:15

الصلوة المبين. النبي عليه الصلاة والسلام قال من اقتبس علما من النجوم فقد اقتبس شعبة من السحر. زاد ما زاد. يعني هو كده اتعلم السحر. اتعلم شيء من من السحر. فالانسان لا يجوز ان ينسب الاحdas الارضية للفلك السماوية. هي - 00:57:33

الملائكة - 00:57:53

فرينا زكر في سورة النحل قال وعلامات وبالنجم هم يهتدون والكلمة دي جمعت علم الفلك كله ان احنا بنهتدي بالنجوم. بنعرف امتى ده يجي وده يروح فين وده يبجي منين - 00:58:13

والشمال فين والجنوب فين عن طريق النجوم بس لكن ايه علاقة النجم بان انا النهاردة كلت ايه ولا شربت ايه ولا حصل لي حدس سار ولا حصل لي حدس سيء؟ اللي اعتقاد العلاقة دي - 00:58:23

فهذا في ضلال مبين. طبعا العلاقة دي ممكن تبقى على تلات احوال الحلقة الاولى اني اعتقاد ان النجم هو اللي بيরزقه او هو اللي بيسبب له الاحداث السارة وده نادر يعني. بس لو حد اعتقاد كده ان النجم هو اللي بيعمل بيقى ده كافر كفر ايه - 00:58:36
اكبر. لا في واحد لا ما باعتقدش كده. انا باعتقد ان النجم دوت مش هو اللي بيعمل لي. بس هو سبب. السبب في اللي بيحصل فيه على ظهر الارض. نقول له - 00:58:54

د شرك ايه؟ اصغر زي اللي بيعتقد في الحزاذه. يقول لك الحزاذه هي اللي بتضرك وتنفعك. يقول لك لأ. بس انا لما ابقي لابسها
بيحصل لي حاجات كويسه. يبقى انت اعتقادت ان هي سبب بس مش - 00:59:04

هي اللي عملت الحاجة ليه؟ الكويسة ديت. فده شرك ايه؟ اصغر. كزلك اللي اعتقاد ان النجوم في السماء ديت موقعها سبب في الاحdas الارضية نقول له ده شرك ايه؟ اصغر. فاضل حاجة تالتة - 00:59:17

ان هو بيربط ربط وقتی بس. بمعنى ايه الناس مسلا اللي بتقول لك ايه لما الدنيا تشتبه تقول لك امشير مسلا. نوت المكنسة اي كلام. نوت اي حاجة. كلمة نوى دي حكمها ايه - 00:59:31

هي كلمة نوى دي على فكرة جاية من الكلمة نوا والنوع ده هو موقع النجم في السماء. الناس مش فاهمة الكلمة خدتها كده وخلاص.
النبي عليه الصلاة والسلام قال قال يعني صلى بالصحابة - 00:59:45

الليلة امطرت صلی بالصحابة وقال والتفت اليهم قال قال الله تعالى اصبح من عبادي مؤمن بي وكافر كما قال مطرنا بفضل الله ورحمته فذلك مؤمن به كافر بالكوكب ومن قال مطرنا بنوء كزا - 01:00:01
ونوء كذا فذلك كافر بي. مؤمن بالكوكب. يبقى النوء دوت هو هو الكوكب نفسه او موقع الكوكب. لكن ناس اختصرتها لكلمة ايه؟ نوى هي لها ارتباط لان الوقت ده بيبقى النجوم لها شكل معين فالناس بتعتبر ده نوء. والنوء ده مرتبط بان فيه امطار او فيه برد او كده. طيب اللي بيقول الكلمة ديت - 01:00:18

اسمه ايه؟ بنقول اللي بيقول الكلمة دي معتقد ان النوع دوت هو اللي بيسيطر ده كفر اكبر وطبعاً ده نادر. لا فيه واحد بيقول لك النوع ده مش هو اللي بيسيطرنا بس هو سبب. سبب نقول لك حكم الكلمة دي شرك ايه؟ اصغر. لأن اغلب الناس وده اللي اغلب الناس بتعمله وبتقول الكلمة دي وخلاص. مش فاهم حاجة - 01:00:41

نوى وخلاص ما اعرفش حتى ممكن اول مرة يكتشف ان نوعه دي نوى جاية من موقع النجم هو فاكر النوى دي يعني وقت يعني.

يعني زى نادي كل سنة بيحصل كده - 01:01:01

مش قصدي اي حاجة. وده اغلب الناس نقول له يعني على اقل الدرجات يكره هزه الكلمة بكرة هزه الكلام لانها تشبه اللي بيقولها لسبب تاني. لما لما الصحابة اليهود بقى كانوا بيقولوا كلمة راعنا باستعمال خاطئ. ربنا قال لا تقولوا ايه؟ راعنا. بلاش منها خالص. وقل

- 01:01:13

فنقول كلمة نوى دي الناس بتستعملها في ناس بتعملاها مش فاهمة حاجة وناس بتعملاها وفاهمة بلاش منها خالص طب تقول ايه دوت لما المطر ينزل قول للنبي علمهونا قال مطرنا بفضل الله وايه؟ ورحمته. تمام يا اخواننا كده؟ كان في علم السماوات بمعنى؟ يعني في علم السماوات بتوع - 01:01:34

الطيران فيحاول يدرس الجو على اساس يقدر يعمل. ما دي ده علم الفلك ده شبه علم الفلك. ايوه. ما لهاش اي علاقة. بيحط ويحيط ده بيعرف فيها الاتجاهات بيعرف فيها اتجاه الرياح مسلا او كده. الحالة دي بتبقى لا دي ما لهاش علاقة. الناس دي بيبقو بيفهموا يعني. انما الامور دي - 01:01:54

على الجهل. كان في واحد في طيارة عايز يضحك على نفسه من الحاجات دي. ما فيش هزار فوق. بيقول زجر الطير والخط في الارض. قال عليه الصلاة والسلام هي يافا والطير والطرق من الجبت. يعني ايه الكلام ده؟ العيافة - 01:02:14
بيقول لنا هي زجر الطير والتفاؤل والتشاؤم باسمائها. وقعد يطير الطير كده طار يمين يبقى الدنيا حلوة. طير شمال يبقى الدنيا مش تمام. فدي اسمها ليافة. والطيرة والطرق طرق اللي هو الخط يعني. انسان يعمل خطوط في الارض كده وبيتدى يعرف يقرأها على الجهل. كل في واحد في طيارة عايز يضحك على نفسه من الحاجات دي. ما فيش هزار فوق. بيقول زجر الطير والخط في

- 01:02:30

زي زي قرابة الكف وقرابة الكف وقبة القبة يقلب القبة وبعد كده يشوف عملت اشكال ايه. هو يقرأها قرابة الكسرولة اي كلام. المهم ان كل ده ايه كل ده هجس يعني. كل ده هجس. ان هو يشوف آآ بوaci الایه؟ بوaci الاشكال. او مسلا شف رجليك عملت اسار ايه في الارض او يقول لك اعمل خطوط عشوائية وانا هقرأها لك - 01:02:49

كل دوت من الضلال المبين. فقرابة الكف والكلام ده للناس اللي بتتسلى وتجيب يجيب واحدة تقرأ الكف طب اقري لنا شوفي لنا بختنا ايه. هذا من الضلال وهذا من من - 01:03:09

يعني اه من الخطر المبين ويدخل في الكهانة ومن اتنى عرفنا وال حاجات ديت. بيقول كتابة حروف ابي جاد دي مش مشهورة يعني ده بيحبوا مسلا اسمك كذا. فيتحول كل اسم لايhe؟ لرقم. وبيتدى الارقام دي يعمل لها عملية كده ويعرف بها ايه؟ قدرك - 01:03:19
قال ذلك ان يجعل لكل حرف منها قدرًا معلومًا من العدد. ويجري على ذلك اسماء الادميين والازمنة والامكنة سـم يحكم على ذلك بالسعادة او الشقاوة. بيقول القراءة في والفنحانة دي قلناها تحضير الارواح وده خبل طبعا ما فيش حاجة اسمها تحضير ارواح. يقول لك يزعمون انهم يستحضرون ارواح الموتى ويسألونها عن اخبار الموتى - 01:03:36

من نعيم وعذاب. وهذا دجل وشعوذة شغل الشياطين. ويراد منا افساد العقائد والاخلاق والتلبيس على الجهل. طبعا التحضير ارواح انما هو كله جن يعني مروحى اللي هتحضر لك هتيجي منين دي ؟ ده ربنا سبحانه وتعالى هو الذي يعني قبضها خالص. الامور دي بيد الله هتجيبها من عند ربنا ازاى ؟ ما فيش حاجة اسمها تحضير ارواح يا اخواننا. انما كل - 01:03:56

ايه اللي بيحصل خداع وتلبيس والجن هو اللي بيعمل الایه؟ الشتغالة دي كلها اخر حاجة بقى التطير واظن احنا اتكلمنا فيها دي قبل كده هو التشاؤم بالسوائح والبوارح من الطير والظباء وغيرها تشاؤم بقى بايه؟ بالارقام بالالوان - 01:04:17

بالايات هذا باب من الشرك. لان الحاجات دي ما لهاش علاقة. ايه علاقة الرقم تلتاشر بالحدس السيء؟ ايه علاقة اصطباحك بوش فلان بالحدث السيء؟ ايه علاقة البومة احداث سيئة. ايه علاقة اللون الاسود والاحداس السيئة؟ ما لهاش اي علاقة. فدي من الخبر -

- 01:04:32

وده من الشرك الایه؟ الاصغر. قال عن عمران بن حصين قال عليه الصلاة والسلام ليس منا من تطير او تطير له او تكهن او تكهن له او

سحر او سحر له من اتى كاها فصدقه بما يقول فقد كفر بما ينزل على محمد صلى الله عليه وسلم. يبقى كده احنا خلصنا النهاردة
الايه الباب الخطير دوت. المرة الجاوية - 01:04:48

بازن الله تعالى نبدأ في الاسماء والصفات. وده من اخطر ابواب العقيدة والایمان بالله سبحانه وتعالى. نسأل الله ان يتقبل منا ومنكم
صالح الاعمال. والحمد لله رب العالمين - 01:05:08